

**Ovaj Pravilnik je objavljen u SLUŽBENIM NOVINAMA TK
Br. 4/07 od 19. maj/svibanj 2003. g.**

Na osnovu člana 154.stav1.tačka12 i člana 166 stav 1 tačka 2 Zakona o zdravstvenoj zaštiti ("Službene novine Federacije BiH ",broj 29/97)Vijeće Ljekarske komore Tuzlanskog kantona, na sjednici održanoj 19.03. 2002 godine, donosi

**PRAVILNIK
O NAČINU OGLAŠAVANJA RADA DOKTORA MEDICINE – LIJEČNIKA I
DOKTORA STOMATOLOGIJE KOJI OBAVLJAJU PRIVATNU PRAKSU I
ZDRAVSTVENIH USTANOVA U PRIVATNOM VLASNIŠTVU**

Član 1.

Pravilnikom o načinu oglašavanja rada doktora medicine-lijeknika i doktora stomatologije privatne prakse (u nastavku teksta Pravilnik)određuje se način oglašavanja rada doktora medicine i doktora stomatologije koji obavljaju privatnu praksu na osnovu rješenja o odobrenju za rad ministra zdravstva.

Odredbe ovog Pravilnika odnose se i na oglašavanje doktora medicine – lijeknika i doktora stomatologije koji rade u Zdravstvenim ustanovama a kojima je, po odobrenju ministra zdravstva i po pribavljenom mišljenju Ljekarske komore omogućen rad do jedne trećine radnog vremena u privatnoj praksi prema članu 98. Zakona o zdravstvenoj zaštiti ("Službene novine Federacije BiH", broj 29/97), kao i na način oglašavanja zdravstvenih ustanova u privatnom vlasništvu.

Doktori medicine-lijeknici i doktori stomatologije koji obavljaju privatnu praksu i zdravstvene ustanove u privatnom vlasništvu, mogu oglašavati svoj rad na objektu u kojem se nalaze prostorije za obavljanje prakse, shodno rješenju ministarstva zdravstva,odnosno pozitivnim propisima,te sredstvima javnog informisanja.

Član 2.

Oglašavanje sadrži ime i prezime, stručno i znanstveno zvanje ljekara koji je nositelj privatne prakse, odnosno naziv zdravstvene ustanove u privatnom vlasništvu, a mora sadržati oznaku djelatnostikoja se obavlja u privatnoj praksi, radno vrijeme, te adresu ili telefon ordinacije.

Oglašeni ili objavljeni,odnosno emitirani, oglas mora biti stočen na način koji u potpunosti odgovara etičkim, stručnim i znanstvenim principima medicinske struke, u skladu s Kodeksom medicinske etike i deontologije zdravstvene struke.

Oglas smije sadržati posebnu oznaku samo u smislu uobičajenog znaka liječništva (zmija s Ekskulapovim štapom).

Oglašavanje liječničkih ordinacija na uličnim panoima i sredstvima javnog prijevoza, nije dozvoljeno, osim neophodnih smjerokaza.

Samoisticanje pri oglašavanju nije dozvoljeno.

Nije dozvoljeno oglašavanje privatne prakse u sponzoriranim i tzv. Kontakt emisijama u kojima učestvuje liječnik iz člana 1. Ovog Pravilnika.

Član 3.

Oglašavanje dijagnostičkih i terapijskih postupaka dopušteno je u okviru odobrene djelatnosti.

Oglašavanje dijagnostike, kao rentgen dijagnostike, ultrazvuka, laboratorijskih i endoskopskih pretraga, te drugih dijagnostičkih pretraga, kao i terapijskih postupaka, dozvoljeno je ukoliko zdravstveni djelatnik iz člana 1. Ovog Pravilnika ima odgovarajući dokument – certifikat koji potvrđuje vladanje određenom vještinom.

O vjerodostojnosti dokumentacije odlučuje Komisija za privatnu praksu i staleška pitanja liječnika koji obavljaju privatnu praksu. Komisija može konsultovati stručna udruženja – stručna društva.

Član 4.

Doktori medicine – liječnici, specijalisti određenih grana specijalnosti, osim specijaliste opće, odnosno porodične medicine, koji su otvorili privatnu praksu, kao ordinaciju opće medicine, ne mogu se oglašavati kao specijalisti.

Doktori medicine – liječnici, specijalisti određenih grana specijalnosti ne mogu se oglašavati kao uži specijalisti bez položenog subspecijalističkog ispita.

Dijagnostički i terapijski postupci uže specijalnosti mogu se oglašavati u skladu sa članom 4 ovog Pravilnika.

Član 5.

Doktoru medicine – liječniku, doktoru stomatologije i zdravstvenoj ustanovi u privatnom vlasništvu, iz člana 1. ovog Pravilnika, koji se oglasi suprotno odredbama ovog Pravilnika, izreći će se, prvi put, pismena opomena.

Doktoru medicine – liječniku, doktoru stomatologije i zdravstvenoj ustanovi u privatnom vlasništvu, koji se nakon pismene opomene ponovo oglasi suprotno odredbama ovog Pravilnika izreći će se novčana kazna u iznosu od 2.000,00 KM.

Doktoru medicine – liječniku, doktoru stomatologije i zdravstvenoj ustanovi u privatnom vlasništvu, iz člana 1. ovog Pravilnika, koji se po treći put oglasi suprotno odredbama Pravilnika izriče se novčana kazna u iznosu od 5.000,00 KM.

Protiv liječnika, zdravstvene ustanove, odnosno odgovorne osobe u zdravstvenoj ustanovi u privatnom vlasništvu, iz člana 1. ovog Pravilnika, koji se nakon pismene opomene ponovo oglasi suprotno odredbama ovog Pravilnika, pokrenut će se postupak pred Komisijom za staleška pitanja koji obavljaju privatnu praksu.

Ako direktor zdravstvene ustanove u privatnom vlasništvu nije doktor medicine ili stomatologije Komisija za privatnu praksu i staleška pitanja podnijet će prijavu Inspekciji Ministarstva Zdravstva.

Član 6.

Odluke iz člana 5. Donosi Komisija za staleška pitanja liječnika koji obavljaju privatnu praksu.

Komisija za staleška pitanja može izreći jednu od disciplinskih kazni, u skladu sa Pravilnikom o pravima i odgovornostima članova Komore, a može kod ministarstva zdravstva predložiti donošenje rješenja o prestanku odobrenja za obavljanje privatne prakse u skladu sa članom 129. stav 2. tačka 6. i 7. Zakona o zdravstvenoj zaštiti, odnosno podnijeti prijavu inspekciji ministarstva zdravstva protiv zdravstvene ustanove u privatnom vlasništvu.

Član 7.

Komisija za staleška pitanja može donijeti privremenu mjeru kojom se zabranjuje oglašavanje na način za koji je Odlukom utvrđeno da je suprotan ovom Pravilniku i to do konačne odluke Komisije.

U slučaju da se liječnik, odnosno zdravstvena ustanova u privatnom vlasništvu i dalje oglašava, suprotno odredbama ovog Pravilnika, svako dalje oglašavanje smatrat će se ponovnim oglašavanjem u smislu člana 5. stav 4. ovog Pravilnika.

Član 8.

Protiv odluke Komisije iz člana 5. stav 1. ovog Pravilnika, doktor medicine – liječnik, doktor stomatologije privatne prakse, odnosno odgovorna osoba zdravstvene ustanove u privatnom vlasništvu, kojem je izrečena jedna od propisanih kazni, ima pravo izjaviti žalbu Izvršnom odboru Ljekarske Komore u roku 15 dana od dana prijema odluke.

Odluka Izvršnog odbora Komore je konačna.

Član 9.

Doktori medicine – liječnici, doktori stomatologije privatne prakse, odnosno zdravstvene ustanove u privatnom vlasništvu, iz člana 1. ovog Pravilnika obavezni su uskladiti način oglašavanja u roku od 30 dana od dana stupanja na snagu ovog Pravilnika.

Član 10.

Ovaj Pravilnik objavljuje se u glasilu Komore “Liječničke novine” i “Službenim novinama Tuzlanskog kantona”, a stupa na snagu danom objavljivanja u “Službenim novinama Tuzlanskog kantona”.

Predsjednik Skupštinskog Vijeća
Ljekarske komore TK
Doc.sc.dr. Enver Zerem

Tuzla, 12.03.2003. godine